

欽定剿平粵匪方略

欽定剿平粵匪方略卷三百三十四 癸亥年

二月初五日 辛巳 官文嚴樹森奏 冒正月二十一

日接准曾國藩咨稱搜獲僞文內稱僞忠王現在蘇州卽圖率黨渡江以侵皖楚並據金陵探報僞護王由常州帶賊七八萬人僞賀王僞齊王各帶賊三四萬人合忠逆之賊詐稱五十萬實數確有二十萬現護逆一股已在解溪溇化

等鎮糗糧仍擬由九洑洲渡江上竄咨請豫爲
防範等因伏查皖北和含巢一帶尙有賊蹤若
患逆復率大隊渡江則必勾結該賊悉力上犯
鄂皖脣齒相依頭頭是道若不早爲戒備必致
臨事周章惟鄂中一路路喫重竹襄棗隨等處雖
均駐有防兵一經抽調卽有顧此失彼之慮穆
正春王桐柏所部兵力甚單防守楚邊尙虞不

足斷不能遠，勦旁征禦此悍寇，現已飛咨李續
宜迅速起程由鄂赴皖，督率皖北諸軍相機截
勦。臣等仍當督飭在防各營扼要堵禦，如果逆
氛偪近，再酌度情形添派勁旅，以期保固邊圉。
奏入。

上命議政王軍機大臣傳諭曾國藩、左宗棠曰：「官文
嚴樹森奏僞忠王等由蘇常率黨渡江，若復糾合

和含巢一帶踞賊上犯楚疆該省兵力甚單殊不足禦此狂氛著曾國藩督飭皖北各軍實力剿洗或添撥勁旅前往協剿或進擣蘇常攻所必救以分其勢俾不至竄入楚邊左宗棠在浙剿匪現在極爲得手若乘此聲威直擣杭嘉等郡則該逆勢必回顧蘇常自無暇圖犯鄂境應如何乘勝進剿浙西以掣賊勢之處著左宗棠悉心籌畫

初六日壬午曾國藩奏言浙江提督鮑超上年十

一月二十七日在楊柳鋪及本年正月初六日

涇縣擊賊獲勝後聞小淮寧地方有賊紛擾鮑

超以該處守兵單薄水陸糧路可虞乃督馬步

馳赴黃麻渡會合王可陞防軍誘賊過河一擊

敗之旋報花旗廣匪六萬餘衆由甯國縣進竄

馬頭鎮高橋楊柳鋪一帶鮑超營盤被賊阻隔

卽自高祖山老營至清弋江南陵亦幾爲賊氛
所梗鮑超恐老營有失遂至黃麻渡還援遙見
四面烽煙紛起知僞跟王藍逆一股已對高祖
山下寨僞作王李逆一股已對清弋江下寨另
有賊騎數萬由寒亭高祖山摩壘而過繞出抱
龍岡翼襲我營之後鮑超旣次清弋江先派宋
國永守定高祖山二十七日督率各營徑由抱

龍岡進攻該賊恃衆分拒密布長圍鮑超令梁雲材等自山岡後分兩枝抄入截賊數段賊隊大亂奪路竄奔諸將士合力薄之遂將馬頭鎮等處十數村賊壘一律平毀追襲近六十里殲擒近八千人自有此捷凡附近我營之高嶺梅嶺麒麟山各賊股伏匿不出正月初一日僞匡王奉王襄王糾合花旗股匪竄入大坑黃村近

偏涇縣城南包過城東擁衆六七萬人連營二十餘座初四日該逆架梯撲城維時鮑超在高祖山聞警恐涇城不支將胎甯郡後路之患乃簡隊疾馳九十里初五日抵涇入城少息初六日五更時拔關齊出先遣王衍慶等分匿叢箐深樹間而以易開俊等遙爲之應復令婁雲慶等依山而上譚勝達等循河而上鮑超督飭梁

美材等暨黃海清等騎隊直前挑戰羣賊爭相
出巢從山梁撲下叟雲慶等正當其衝梁美材
黃海清等馬步競進戰逾兩時我軍佯退引賊
將近山麓伏兵頓發叟雲慶等回輓轉鬪兩面
夾擊賊乃大敗正欲歸壘瞥見壘中火起已爲
譚勝達等所破我軍乘勝併進盡埽羣壘立解
涇縣之圍長驅三十餘里遂入黃村賊不虞官

軍之驟至有棄壘欲遁者有閉壘死守者衆軍
士擁至濠下肉薄而登又平數十壘追二十里
至大坑斃賊數萬初七日鮑超自涇縣回軍適
西河之賊撲近寒亭高祖山老營將圖乘虛一
逞忽見旗幟蔽空軍容甚盛乃相顧錯愕卽一
興散走臣查甯國境內徧地逆氛鮑超以病餘
之將新補之卒四出雕勦得此兩戰軍威可以

復振危局可以暫安所有出力人員可否酌給
獎敘以作士氣至參將羅國才等六十七員力
戰陣亡相應請

旨飭部從優議卹

曾國藩又奏言據駐守涇縣總兵易開俊稟稱
甯國縣另股於上年十一月竄近涇縣東北潘
村一帶易開俊商同吳廷華分路進攻吳廷華

率所部兩營會合葉明瑞等進攻潘村以蕭章
開馬隊應之易開俊親率三旗直趨晏公堂王
華國賀國楨率兩旗分路包抄殺賊數百人而
潘村之賊亦經葉明瑞擊退吳廷華追過壩頭
葉明瑞等由晏公堂大路斜刺而來會軍夾擊
賊衆大敗遁入黃村官莊一帶易開俊以賊遁
未遠不速除之終貽後患仍與吳廷華督率各

軍分道馳勦卽將黃村官莊之賊擊潰不料山
坳伏發遽斷歸路敗賊回戈助戰我軍困入垓
心易開俊馬傷墮地蕭章開大呼救之乃得更
騎突圍而出將隊伍連環收歸軍士已多傷亡
二十八日賊黨乘勢撲城見城上守禦謹嚴退
去正月初三四等日賊以大股環城奮攻晝夜
不息競於矢石中架梯而升易開俊吳廷華令

守垛士卒立斬數人擊毀攻具蕭章開曹義勝
復潛出抄賊賊始歸巢初六日鮑超引軍來援
城中士氣益奮突出盪擊俘斬甚衆卽平毀附
城諸壘旋入黃村痛加勦洗臣查涇軍七營久
與悍賊相持卒能保全危城遮護甯郡洵屬有
裨全局所有節次陣亡之參將倪昌明等五十

一員相應懇

恩飭部一併從優議卹

曾國藩又奏言金陵甯國各營穩守如常太平
石埭等股跽伏未動宣城縣屬之金寶圩於上
年臘月二十日被僞侍王攻破該圩練丁逃至
蕪湖者數千臣爲編營安插聞侍逆在圩中大
掠米糧仍圖窺伺蕪湖金柱關一帶該兩處防
務暫難鬆勁北岸無爲州原駐樹字五營本係

李鴻章新募之卒現因救援常熟進攻崑太兵力不敷飛調樹字等營回滬另撥韋志俊一軍駐防無爲州城蕭慶衍專顧銅城牖一路尙足防禦毛有銘專顧巢縣一路實形單薄又在六安州抽兵助之惟九洑洲江面續有賊船百餘號晝夜趕渡據搜獲僞文賊欲先攻浦口江浦以通進兵之路臣恐前敵各防未能穩固亟須

親往察看通籌攻守事宜此次拜摺後卽日由
水路駛赴金陵及無爲州蕪湖金柱關等處巡
視一次往返約需月餘安慶省城兵勇尙有四
千餘人賁成司道各員權爲統率暫可無虞萬
一巢縣踞匪蓄意西竄臣亦卽兼程旋省以顧
根本奏入

上命議政王軍機大臣傳諭曾國藩左宗棠曰九狀

洲江面賊船晝夜趕渡曾國藩恐前敵各營未能
穩固自應親往察看俾攻守悉臻妥善惟江浙軍
務互爲表裏此次賊匪徑趨江北若浙師出奇制
勝直搗杭州自可牽制賊勢現在金華等處均已
克復紹興賊勢已孤指日可下乘勢規取杭城易
如反掌第杭城不難於取而難於守嘉興未復則
賊由石門等處可以西趨湖州未復則賊由德清

等處可以南竄左宗棠克復杭城後若拘泥成例
駐紮會垣賊以遊師擾之必有應接不暇之勢不
如督率勁旅相機進剿杭城雖復不必固守仍分
兵徽州以清皖南之賊俾朱品隆等酌撤渡江會
合毛有銘等軍迅克和含等處水陸兩路併力規
取九洑洲肅清江而則皖北可期穩固然後可合
鮑超甯國等軍攻取金陵或酌分奇兵旁取句容

丹陽以圖常州似勦辦較易得手著曾國藩左宗棠酌度機宜妥籌辦理

上諭內閣曰此次官軍勦辦馬頭鎮悍賊大勝並涇縣解圍出力員弁著曾國藩擇尤請獎其節次打仗陣亡之參將倪昌明等五十一員均著交部從優陣亡之參將倪昌明等五十一員均著交部從優議卹

初七日

癸未

耆齡奏言湯城踞匪及金華開化一

帶賊援經兩次痛勦後開化之賊分股竄至四

安嶺經參將化儒等率兵擊走該逆竄至北坑

嶺復經化儒等擊敗之僞梯王率黨來撲上盛

營盤都司林珠直突賊陣逆衆披靡逆首彭禹

蘭赴藩司蔣益澧營內乞降蔣益澧卽飭其黨

作爲內應正月初十日三更會同康國器督率

各軍分攻各門當將湯溪克復十一日黎明開
化酤坊之賊圖犯蘭背源上盛經化儒等派兵
擊斃百餘人康國器協同浙師乘勢進剿該逆
悉竄金華當將賊營焚燬康國器探知龍游敗
匪遁往金華隨飭古捷芳等分兵截殺於上盛
杜家村等處斬獲一萬餘名其分股竄至下陳
坑者復經化儒等合力抄殺斃匪無數龍游縣

城亦爲浙江撫臣左宗棠攻克兩處殺賊數萬人援匪望風奔竄藩司蔣益澧臬司劉典派隊分投追剿收復蘭谿金華府縣兩城敗匪分竄浦江義烏等縣又據探報永康之賊經都司馬雲標等率勇進剿於十三日辰刻克復縣城總兵林文察亦於十三日攻克武義縣城實由湯溪龍游攻克後該逆險要已失用能於三日之

間速克府縣六城我軍勢成建瓴可期席卷而
進蔣益澧已拔隊進紮金華臣飭康國器馳赴
武義與林文察會攻義烏諸暨化儒馳赴縉雲
與馬雲標等會攻東陽迅圖收復進規紹興並
飛飭林文察等各營乘此聲威協力攻剿不得
稍事遷延康國器等力卻數萬援賊收復各城
截殺龍游竄匪逾萬實屬異常奮勇卓著戰功

及此次尤爲出力之遊擊吳光亮等合無仰懇
天恩優加獎敘以昭激勸

耆齡又奏冒 臣現飭各軍分攻東陽義烏進取
紹興相去浦城漸遠 臣自應移紮浙境以便就
近調度惟據探報各城敗匪自浦江分竄桐廬
分水兩縣該處爲杭徽兩郡毗連之區如該逆
歸併杭州 臣擬進紮金華督戰儻該逆竄入徽

卷三十三
郡則江西戒嚴閩省處處毗連隘口林立均須
布置又當以仍紮浦城力固本省邊界爲重容
再確探賊蹤妥籌進止奏入

上命議政王軍機大臣傳諭耆齡左宗棠曰此次閩
浙官軍於三日之間連克府縣六城我軍勢成建
瓴可期席卷而進卽著左宗棠嚴飭各軍乘此聲
威次第掃蕩趕緊規復紹興毋得稍有稽延致失

時會耆齡另片奏閩軍節節前進相去浦城漸遠
擬移紮新境以便調度惟探聞各城敗匪分竄桐
廬分水二縣如卽歸併杭州擬進紮金華督戰儘
竄入徽郡則江西戒嚴仍須駐紮浦城力顧邊界
各等語所奏不爲無見第金華等處既有蔣益澧
一軍駐守又有左宗棠督率調遣以之進剿必可
收破竹之功而桐廬分水一帶賊蹤未淨其或竄

徽郡或竄江西均不可不防閩江毗連隘口林立
仍應妥籌守禦耆齡總以仍紮浦城爲是遠可策
應湘軍近可籌防閩境所有一切進止機宜該督
隨時與左宗棠熟商籌辦

上諭內閣曰自湯溪龍游攻拔後該逆險要已失連
日克復永康等處四城著耆齡飭令康國器林文
察等會攻義烏東陽等處乘此聲勢節節掃蕩知

府康國器前經左宗棠奏保降旨以道員仍歸江西補用著再加恩交軍機處記名遇有江西道員缺出請旨簡放遊擊吳光亮著免補遊擊以參將卽補並賞加副將銜賞給誠勇巴圖魯名號都司古捷芳著免補遊擊以參將補用並賞給續勇巴圖魯名號林本著免補都司以遊擊補用並賞換花翎林珠著免補都司以遊擊補用並賞加參將

銜知縣康熊飛著免選本班以同知不論雙單月
選用並賞換花翎

初十日丙戌李鴻章左宗棠奏言上年十二月已

革道員張景渠率兵進攻紹郡逆首糾合蕭山
諸暨之賊分路竄至東浦等處希圖包抄我軍
後路經張景渠抽調遊擊布興有等分投截擊
賊卽敗退並攻毀昌安鎮賊卡一座本年正月

初一日我軍由東浦前進分攻昌安五雲兩門
未能得手該逆外援日增連日分股竄犯陶堰
東關一帶蔓延數十里屯踞烏門山包家山白
塔洋分股肆擾均經兵團擊敗共殺賊千餘名
所有紹東逆卡一律踏毀城中之賊不敢出戰
我軍聲威大振現在仍飭張景渠等相機進攻
肅清紹郡併圖省垣奏入報

聞

李鴻章又奏冒正月初二三日以後常熟孤城
被賊圍攻益急署提臣黃翼升督率師船赴福
山白茅徐六涇各口攻剿日有斬擒圍城之賊
亦分添各口以禦我師編修劉秉璋會同道員
潘鼎新副將劉銘傳等統帶陸隊三千餘人於
十三日駛抵福山與黃翼升籌商登岸黃翼升

分派礮船渡師於福山上游之西洋港陸續上岸連夜紮營劉秉璋潘鼎新等身先士卒指揮齊進二十日各營往攻福山獲一勝仗周興隆略國忠等於正月十三日尙有帛書出城據稱自初十日接到臣處帛書後知援師卽至人心稍定惟困守月餘將士精力疲憊設使西北門地雷轟發衆必驚亂恐有不測該將等惟與城

存亡等情臣又飛函商令黃翼升潘鼎新等穩紮穩進先將福山悍賊擊退卽乘機節節攻打又恐背水之陣軍無後繼擬添派常勝軍馳往援應

李鴻章又奏言臣於上年九月間奏報四江口立解重圍摺內恭奉

恩旨猥以臣弟知縣李鶴章薄有戰功飭臣秉公酌

保仰見

皇上振勵人才無微不至惟念臣以菲材遭逢
聖主特達之知由道員驟躋巡撫數月以來無尺寸
功效足以上紓

宵旰之憂勤夙夜震懼臣弟五品銜補用知縣李鶴
章患難相從周旋軍旅乃義分所當爲果能蕩
平羣醜克復名城

聖主甄念微勞給與優敘戰功足以相稱臣心亦藉
以稍安此時強寇在境軍事方殷集諸將之力
以收一戰之效本無勞績之足言臣弟質雖愚
魯尙知大義且臣家世受

國恩此次復蒙

諭旨垂詢榮寵已極圖報彌殷臣惟有訓飭臣弟奮
勉圖功仰答

聖慈殷殷屬望之意斷不敢遽行請獎以負初心奏
入

上命議政王軍機大臣傳諭李鴻章曰常熟孤城被
圍甚急太倉尙未攻克滬軍勢不能前往救援李
鴻章調派水陸各營進攻福山獲有勝仗現在周
興隆等竭力固守望援甚切著卽激勵黃翼升潘
鼎新等乘勝進攻福山悍賊節節掃蕩以期進達

常熟立解城圍如慮後軍不繼並著飛催常勝軍
星速前進穩紮營壘如敢仍蹈前轍任意退回該
撫卽從嚴懲辦以肅軍令李鶴章屢著戰功該撫
不敢邀請獎敘具見引嫌謙退之忱已加恩將李
鶴章賞加四品銜以知州用矣

上諭內閣曰前因江蘇四江口解圍巡撫李鴻章之
弟知縣李鶴章擊退援賊該撫意存引嫌未經請

獎當經諭令李鴻章查明勞績一體奏請獎敘茲
據奏稱李鴻章雖隨同勦賊乃義分所當爲仍不
敢仰邀議敘等語五品銜分發補用知縣李鶴章
戰功卓著豈可沒其微勞著賞加四品銜以知州
用

十一日
丁亥耆齡奏言正月初六日都司馬雲標

等率兵進紮縉雲縣之黃碧街地方以偪永康

初七日擊破牛筋嶺賊卡旋即移紮該處十一
日夜復選銳卒四百名往襲永康縣治該逆防
守甚密未能得手十三日馬雲標等往攻永康
東南二門該令程陶成等各率團丁會攻各門
據柵衝入該逆力不能支望義烏一帶逃遁卽
於是日克復永康縣治總兵林文察自將武義
三角店等處賊卡攻破後城賊伏匿不出正月

十一日林文察派遊擊白瑛等率勇進逼次日
白瑛等督隊攻城林文察率兵協助力攻數時
該逆堅不出戰是夜林文察復派各營薄城圍
攻火箭噴筒並發城上賊篷半被延燒煙燄四
起該逆無可駐足卽向金華一帶逃竄當於十
三日克復武義縣城林文察督勇追殺餘匪由
東鄉白溪一帶遠竄臣查逆匪盤踞浙東各城

以悍賊力扼湯溪龍游拒我進兵之路分股屯聚永康武義牽掣兵勢迫湯龍二城攻克大股賊援亦被官軍擊走永武各匪聞風膽落總兵林文察等乘機進剿立將該二縣克復從此溫處可期穩固探聞義烏浦江之賊亦俱竄往杭州臣現飭林文察與知府康國器率兵由義烏進參將化儒等率兵由東陽進會合浙師及甯

波各軍分攻諸暨紹郡埭蕩浙東進規杭嘉湖
三府以靖全浙至林文察等各軍防守處郡各
屬隘口歷時半年屢挫逆鋒地方保守完固茲
又連克兩縣實著辛勤可否容臣擇尤保獎以
示激勸奏入

上命議政王軍機大臣傳諭耆齡曰逆匪盤踞浙東
各城自我軍攻克湯溪龍游各城復經林文察等

將永康武義兩城克復義烏浦江之賊俱竄往杭
州浙東賊勢日蹙卽著耆齡飭令各軍會同左宗
棠各軍乘此聲威節節進剿迅克紹郡進規杭嘉
湖三府以靖全浙至賊匪時思旁竄其界連江西
福建各隘口該督仍應處處兼顧前經諭令該督
居中策應以仍駐浦城爲宜卽當遵旨酌量情形
辦理

上諭內閣曰官軍於克復永康武義後東陽諸賊畏懼官軍聲勢奔竄渡江著耆齡飭令林文察等軍由義烏東陽一帶進兵會同浙師節節進剿規取紹興所有出力各員著耆齡擇尤保獎

十二日戊子左宗棠奏冒龍游湯溪蘭谿金華等

城經官軍攻克後金華敗賊由義烏竄赴諸暨粵賊譚星率蘭谿敗賊竄赴浦江臣飭蔣益澧

分軍由武義永康義烏進勦劉典由浦江進勦
合攻諸暨適據督臣調攻武義之總兵林文察
署永康縣知縣程陶成馳報武義永康之賊於
正月十三日同時遁走當將兩城克復東陽義
烏之賊亦聞風向諸暨一帶潰竄劉典急率各
營近偪浦江十八日劉墩黃少春等率所部馳
至離城五十里之白馬橋殺賊數百名當將縣

城收復劉典卽飭各營乘勢偏攻諸暨黃少春等由牌頭以攻暨諸之南劉璈等由草塔以截賊出路賊處民國一見官軍無不踴躍爭先願爲前導二十二日黃少春等督隊行至距城二十里地方出賊不意擊之擒斬數百賊敗入城官軍直抵城下城賊千餘驚慌無措遣人詣黃少春等軍前乞降黃少春等受之當將縣城收

復現據各路稟報金華敗賊與首逆戴三竄赴
諸暨後聞官軍將至復向義橋竄遁其意在回
竄杭州諸暨逸匪聞已回竄紹興蓋自龍游湯
溪蘭谿金華四堅城破後羣賊喪膽一聞官軍
躡蹤追至卽奪路狂奔足無停趾惜前途無兵
阻截未能聚而殲旃其粵賊譚星一股由浦江
敗竄桐廬臣已飭蔣益澧一軍乘勢進攻紹興

劉培元率所部水師會魏喻義所部合擊桐廬
之賊遏其西趨臣已移軍蘭谿俟將金華等處
布置稍定卽親赴嚴州調度一切其劉典一軍
仍須由嚴赴徽爲肅清皖南之計必俟皖南局
勢漸定然後臣軍無後路之虞方可一意進取
至督臣派來援剿之康國器一軍及閩粵各軍
臣已緘商督臣飭其暫駐東陽縉雲一帶以壯

蔣益澧後路聲援

左宗棠又奏言浙江補用同知楊昌濬向在臣
軍辦理營務上年九月奉

旨簡放衢州府知府臣因軍務喫緊仍暫留營差遣
未經飭赴新任現在金嚴克復事務倍繁而一
切進止機宜及帶隊接仗非深明方略之員不
足以資贊畫該員此次克復各堅城勞績卓著

可否仰懇

天恩俯准將楊昌濬開缺以道員留於浙江補用俾
臣得收指臂之助奏入

上命議政王軍機大臣傳諭耆齡左宗棠曰前經疊
次諭令耆齡左宗棠以浙境軍聲大振勢成破竹
卽當乘勢進取紹興先復浙東並令耆齡仍應駐
紮浦城以防賊竄皖南江西滋擾令左宗棠分兵

嚴州以清皖境而顧全局現在金華敗賊竄向義
橋遁走自係回竄杭州其諸暨逸匪已回竄紹興
著左宗棠飭令蔣益澧乘勢進攻速復紹城粵賊
譚星一股由浦江敗竄桐廬卽著飭令劉培元迅
率所部水師會同魏喻義所部合擊之以遏西趨
左宗棠現在移軍蘭谿擬俟金華等處布置稍定
卽親赴嚴州調度其劉典等軍仍須由嚴赴徽甯

清皖南俾左宗棠無後顧之虞方能一意進取所
論甚合機宜著卽照所擬辦理

上諭內閣曰浙江衢州府知府楊昌濬襄辦左宗棠
營務尙屬得力著准其開缺留營並以道員留於
浙江補用

同日潘鐸徐之銘奏言據東川府稟報髮逆被
剿窮蹙分股由米糧壩小江口過江入川知府

黎新德與參將楊盛宗分路跟追並飭軍功楊
玉衡親督所部於金沙江下游一帶分布嚴防
黎新德與楊盛宗兩路截擊將該匪衝爲兩股
擊斃無數該匪又分股攻撲東川府城黎新德
飭令在城文武嚴密防守一面出城親督各軍
奮力攻擊斃匪三千餘人餘賊奔赴金沙江上
游紮搭浮橋潛行過江入四川會理州屬地方

郡圍立解會澤縣屬一律肅清楊玉衡仍帶兵
練於川滇交界之沿江要口扼防黎新德又飛
致楊盛宗乘勝追剿巧家廳髮逆以期一鼓殲
除等語臣等查此次髮逆竄擾東川府經該府
堵擊獲勝已將攻撲郡城賊匪殲除殆盡餘匪
竄入川境該省現有重兵扼要防剿難保不復
回竄臣等仍飭黎新德楊玉衡防守各路要隘

並會商楊盛宗乘此賊勢窮蹙速將巧家廳髮
逆悉數殲除不容延宕奏入

上命議政王軍機大臣傳諭潘鐸徐之銘曰石逆被
勦竄入川省現在該省兵勇俱集南路防堵該匪
僞被川兵截擊難保不回竄滇境著潘鐸等督飭
在事文武將毗連川境各要隘嚴密設防毋令逆
蹤復行回竄至後股逆匪尙在巧家廳盤踞該署

督等務當飭令知府黎新德等乘勝進剿並分兵
截其渡江北竄之路以期悉數殲除

欽定剿平粵匪方略卷三百三十五 癸亥年

二月十三日 己丑 官文嚴樹森奏冒查髮逆屯踞

竹谿縣屬鄉寨四出焚掠正月初七日道員梁
作楫統率所部趕到該逆探知大軍將至分路
遁竄經該縣知縣周世榮督兵跟追殺賊數十
名餘賊均向陝西興安一路去竹谿境內一
律肅清並據探稱興安踞逆僞扶王等於正月

十三四等日竄赴漢陰廳一帶僞啟王並馬融
和等分支由平利紫陽等處圖竄川境距鄂省
邊界均有三四百里興郡已無賊蹤各等情正
擬專摺具奏欽奉

上諭以陝南軍務緊急飭臣嚴樹森馳赴秦鄂交界
督兵進剿臣等查鄂中東西北三面賊氛環伺
兵單餉絀應接不遑現在賊蹤遠竄距鄂之西

北邊至三四百里之遙道員梁作楫一軍僅二千五百人若令越境遄征則深入無繼本已難操勝算萬一賊蹤回竄四面抄襲必致糧路斷梗進退維谷臣等再四籌思與其謀遠而貽後來之憂何如守近而收自立之效現札飭梁作楫扼守陝西平利縣屬之關垓子地方以杜該逆回竄二竹之路兼令隨時派哨輪巡大甯縣

屬之雞心嶺以防興房一路並令郎中李雲麟
統兵馳赴鄖西之上津堡扼紮以固鄖郡門戶
藉防爲勦布置似較周密至臣嚴樹森本應欽
遵

諭旨迅赴鄖陽惟念臣之部將穆正春周鳳山王桐
柏等現均統率所部扼紮黃州德安等處一以
禦蘇常髮逆之上竄一以防皖豫捻匪之南侵

現准曾國藩來咨忠侍等逆統帶悍賊號稱二十萬陸續渡江北犯窺伺鄂疆是下游軍事萬分喫緊又諜報皖捻出巢西犯則德安邊防尤難鬆勁穆正春等各軍均防要地指日卽有戰事未敢撤動此外楊朝林之駐麻城舒保之駐襄樊沈俊德之駐隨州邊境千數百里處處須防竟無一將一兵堪以抽調隨征隻身前往何

濟於事臣等權衡緩急似暫未能赴鄖督勦且忠逆等係著名悍賊率衆至二十萬一經竄入鄂邊深慮穆正春等軍力尙單必須臣等馳往調度且俟下游軍事稍鬆彼時能否出鄖督辦另行詳察奏報

官文嚴樹森又奏言正月十八日欽奉

諭旨據兵部奏員外郎余上華呈請簡派重臣督辦

三省邊防飭臣等各舉所知迅速具奏臣等念此
事關緊三省全局任重事繁必須文武兼資威
略素著之大員方能調度各路將士操縱自如
現在鄂省帶兵大員中實無其人堪勝斯任不
敢妄舉近聞蜀中踞逆又回滇境川省軍務稍
鬆或當移緩就急由四川督臣駱秉章相機先
撥勁旅如周達武等軍就近出川迎頭堵剿甚

爲便捷其三省如何合力會剿客咨商略秉章
瑛棨斟酌情形另行妥議具奏奏入

上命議政王軍機大臣傳諭官文略秉章嚴樹森曰
前因陝南軍事緊要諭令嚴樹森馳赴秦鄂交界
督師進剿茲據奏稱盤踞竹谿之尾賊雖經道員
梁作楫擊敗退往興安惟梁作楫一軍僅二千五
百人越境遠征難操勝算且鄂省髮捻交乘疆事

孔急竟無一兵一將堪以抽調隨征所籌自保實在情形著照所擬卽飭梁作楫李雲麟兩軍嚴扼二竹鄖西兩路邊陲藉防爲勦以遏該逆回竄之路如下游軍事稍鬆兵力足敷抽調該督撫仍當於陝南軍務力籌兼顧無得稍分畛域惟興安踞逆分竄平利紫陽等處圖竄川境是陝南軍事甚急滋蔓堪虞前經疊諭略秉章飭令周達武一軍

越境馳勦卽著迅催就近入陝迅殄賊氛其四川
界連平利甄坪之城口大甯等處並著嚴密防範
以杜紛竄至員外郎余上華請派督辦三省邊務
大員前已諭令官文略秉章瑛瑛等斟酌速奏現
在官文等奏此事關繫三省全局鄂省現無堪膺
斯選者川省軍務稍鬆正可先撥勁旅其如何合
力會勦之處已咨商駱秉章等再行具奏並著官

文嚴樹森略秉章等迅速會議一面具奏免致稽遲

十七日癸巳馮子材魁玉奏言據探僞忠王李逆

由蘇州至金陵厚集徒衆亟謀北竄僞懷王周逆暨僞漳王等由甯國紆黨萬餘馳至句容距城十餘里之扎溪會同丹陽逆首僞效王於馬陵附近之柏林村等處沿途築壘分黨抄糧一

俟米石飽掠運往金陵卽由九狀洲北渡臣等
聞報當派總兵張文德等各率精騎相機迎勦
總兵陶茂森馬步應之二月初五日官兵行抵
壇子廟哨探逆匪大股已由柏林村下竄張文
德思賊勢浩大且見東湖一帶黃旗掩映必有
埋伏卽令本部扼橋以待楊青山分軍三路遊
擊湛恩榮等當其左參將楊安龍等當其右親

督都司吳天興等直趨牧馬口地方該處卡館林立擁護甚堅湛恩榮等飛騎陷敵手殪逆目數名賊陣稍卻李耀光躍馬爭先直搗中堅我軍無不以一當百當將牧馬口賊卡十餘處全行焚燬維時東湖伏賊先經張文德派參將田慶和等分投截勦陶茂森復率所部從旁夾擊賊大潰西遁張文德等揮軍躡勦直過句容縣

境之薛村共斃賊二千有奇是役也西路之賊雖經創敗而南路柏林村一帶賊營該逆首效天義係僞英王陳玉城之叔所部皆敢死之衆必須出其不意一大創之臣等詳密會商於初六日仍派張文德楊青山爲前敵是夜五鼓銜枚疾馳總兵田宗揚陶茂森各率步軍直抵豐樂山扼險憑高遙爲聲勢初七日卯刻霧氣大

作張文德等謀知陳逆率衆數千均在柏林村
築壘餘賊分踞豐村一帶該鎮等乘霧疾攻將
士爭先馳驟如牆直進該逆排列迎敵勢極臨
張楊青山督同楊安龍等首先衝突陣殪黃袍
逆目多名古龍光見逆首兇悍料係效天義躍
馬斬之賊衆錯愕向西南奔潰楊青山等乘勢
奪毀柏林村逆壘直追至丹陽西門而止時豐

村和陽之賊意圖抄截張文德督飭參將田慶和等馳擊當將豐村等處一律埽平旋據探報僞懷王一股亦於初七八等日悉衆西遁據獲賊供是日之戰除僞效天義陳逆授首外其餘逆目伏誅者計數十名洵足以壯軍威而禔賊膽奏入

上命議政王軍機大臣傳諭馮子材魁玉曰鎮城爲

潁江要地此次逆首僞懷王等糾黨竊伺經張文德等追擊僞懷王雖已悉衆西遁難保不與丹陽各匪密圖報復馮子材等仍當激勵在防將士加意防剿毋得以賊鋒屢挫稍涉大意現在金陵賊勢日增上游九狀洲渡江之賊連日不絕鎮防關繫緊要該提督防守多年諒能斟酌機宜豫籌布置以副委任

十九日乙未左宗棠奏冒浦江諸暨等城經劉典

攻克後逆賊何汝罄率黨三千餘人由紹興竄至徑撲城下高連陞等馳抵諸暨縣城督隊迎擊斃賊三四百名餘賊仍向紹興一路逃竄官軍正擬移紮城外適東陽永康敗匪萬餘人紛紛竄至高連陞等合兵縱擊大敗之劉典復率各營追至應店街斃賊數百名首逆戴三因官

軍追躡其後率黨由富陽西渡蔣益漴正飭劉清亮等規取紹興適接高連陞等稟稱紹興府城於正月二十六日經署提督葉炳忠等督率甯波諸軍收復賊由臨浦義橋渡江而遁其桐廬地方先有賊目賴姓踞守復添紹興敗匪萬餘於沿江修築石壘勢頗猖獗二十八日劉培元派水師副將楊政謨率三板師船駛往下游

該逆見官軍無多悉衆來撲經楊政謨督隊奮
擊燒燬賊船百餘號將沿江賊壘一律焚燬是
夜楊政謨會合魏喻義所部陸軍併力圍攻遂
將桐廬縣城克復臣維紹郡旣克浙東一律肅
清桐廬克復上游全爲我有劉典一軍追賊已
抵富陽縣境當杭州之西南距省城僅八十里
蔣益澧所部高連陞熊建益等已飭由臨浦義

橋蕭山而前當杭州之南距省城亦不過百餘里若遂乘勝長驅杭州糧少城孤似亦無難速克惟粵逆譚星一股已由於潛昌化竄入皖南必將勾結太平石埭諸賊擾我後路臣前奏劉典一軍仍須由嚴赴徽爲肅清皖南之計正爲此也其黃呈忠等逆已由富陽渡江意在與首逆李秀城合犯江北查杭嘉湖均爲李秀城分

地紹城克則杭城危李逆或以此暫輟北犯之
謀亦未可定臣現飭蔣益漣率所部規取杭州
臣所部除分駐金華外均隨臣進紮嚴郡而催
劉典一軍仍由諸暨浦江回嚴州以漸向皖南
其劉典回湘新募之勇計此時行過章門臣已
飛飭江西廣信府暫行截留聽候劉典隨時調
遣以固江右之防劉典未回嚴州之先臣已檄

劉培元前赴開化縣之馬金街會合王德榜一
軍相機截剿再由臣軍撥兵扼紮淳安縣港口
茶園以遏淳遂之衝一面檄飭各營勿貪克復
省城之功勿憚江皖迂阻之勢將來杭州克復
皖南肅清臣擬籲懇

天恩勿論曾否克復省城總以殺賊之多寡爲勞績
之高下一體錄敘以昭獎勸庶人心競奮大局

易就救平所有克復各城尤爲出力之按察使
劉興等請

旨分別給與獎敘以昭激勸

左宗棠又奏言浙江此次之變人物凋耗田土
荒蕪現屆春耕之期民間農器毀棄殆盡耕牛
百無一存籽種無從購覓殘黎喘息僅屬朝不
保暮臣於去冬曾籌補救十二條刊發各屬現

復籌採買籽種購辦耕牛招集鄰省農民來浙
耕種冀將來或有生聚之望惟浙省被難地方
極廣富紳早已遠徙臣軍所過地方每與統領
各官分散錢米暫救目前然涓滴之施無裨大
局現飭浙省徙居滬上各富紳速措巨款廣購
米石運浙辦賑以救阡危而資撫恤

同日沈葆楨奏言臣疊據各路探報浙東敗逆

從於潛昌化竄入績溪並勾結太平大股聚於
石埭大有西趨之勢建德爲之震動其後路莫
延昌化之冷水車盤嶺等處以窺潛遂查潛
遂一帶已據左宗棠分兵駐紮並派臬司劉典
援徽江西廣信一路可以無虞惟該逆若橫竄
建德則與饒九處處接壤臣當飛飭段起等嚴
扼景鎮王定國嚴扼湖口韓進春偵賊所向迎

頭截擊如韓進春拔營勦賊屈嶠卽由貴溪進
紮樂平以聯聲勢而固門戶均奏入

上命議政王軍機大臣傳諭左宗棠沈葆楨曰此次
浙東肅清若竟乘勝長驅杭城無難速克惟譚逆
一股已竄皖南必將勾結太平石埭諸賊擾我後
路左宗棠現飭劉典一軍回嚴以向皖南所辦甚
合機宜至檄飭各營勿貪克復省城之績勿憚江

皖迂阻之勞將來總以殺賊多寡爲勞績之高下
尤屬洞中窾要並著隨時策勵各軍迅奏膚公同
膺懋賞現在浙東敗賊竄入績溪意圖西趨江西
建德饒九一路不可不豫爲之防沈葆楨已飭段
起等分投嚴扼並令韓進春偵賊迎擊卽著督飭
該員等嚴密防剿勿稍疏虞浙江此次之變吾民
顛沛流離千里赤地朝廷軫懷民瘼哀憫殊深左

宗棠現擬散錢煮粥拯救飢民招集流亡給資耕種具見該撫能體朝廷德意惠我烝黎卽著勸令富紳力措巨款廣購米石迅救阡危

上諭內閣曰浙江官軍自攻克浦江諸暨等城後左宗棠復督飭水陸各軍將桐廬縣城克復辦理甚爲得手仍著飭令劉典等分道進攻埭清全浙其尤爲出力之浙江按察使劉典著交部從優議敘

副將熊建益著賞給銳勇巴圖魯名號楊政謨著
賞給壯勇巴圖魯名號黃少春著賞給強勇巴圖
魯名號楊芳桂著賞給勤勇巴圖魯名號黃有功
著賞給振勇巴圖魯名號知府朱明亮著賞給衝
勇巴圖魯名號副將劉清亮著交軍機處記名遇
有總兵缺出請旨簡放並賞給靖勇巴圖魯名號
參將周廷瑞著以副將補用並賞給策勇巴圖魯

名號遊擊鄧受福著以參將補用並賞給技勇巴
圖魯名號守備徐文秀著以遊擊補用並賞給卓
勇巴圖魯名號都司李運榮著以參將補用並賞
加副將銜翁桂秋著以遊擊補用並賞換花翎守
備於朝貴著以遊擊補用賀國輝著以都司補用
並賞加遊擊銜賞換花翎千總張志公著以都司
補用並賞加遊擊銜賞戴花翎丁賢發王宗元均

著以守備補用並賞加都司銜賞戴花翎五品軍
功李世祥著以守備補用並賞加都司銜賞戴花
翎已革守備王東林著開復原官以都司補用並
賞加遊擊銜同知陳璠著以知府補用並賞加道
銜知縣吳作梁著免補本班以直隸州知州補用
並賞加知府銜

二十日

丙申

毛鴻賓奏言查江忠義一軍疊經會

國藩奏調赴皖因蓮塘股匪未平暫留粵西茲
復欽奉

諭旨江忠義應否赴皖令臣酌度情形具奏臣維皖
南鮑超一軍雖屢獲勝仗而糧路尙多梗阻甯
國之金寶圩被賊攻破糧米充足悉爲賊有其
石埭等縣賊勢亦未少衰昨准曾國藩來咨據
曾國荃搜獲賊中僞文僞忠逆李秀城已調蘇

州悍賊二十餘萬定於正月內渡江北竄分股
下擾揚州上趨湖北又准左宗棠來緘浙中羣
賊注意西竄計在擾江皖以撓浙軍後路目前
浙江龍游湯溪蘭谿金華各城幸已先後克復
議勦議守兵力愈形單薄且進兵旣深則後路
更屬喫重臣維江皖鄂三省實爲東南樞紐若
不速將皖賊掃蕩不獨江鄂可危卽金陵浙江

各大營懸軍深入皆有飢潰之虞此時諸路官軍勦辦皆稱得手然逆賊狡計百端斷不肯株守待斃設使皖鄂小有變動則全局又將決裂故曾國藩左宗棠皆亟盼江忠義迅速提軍前往臣細加考察潯州股匪有劉坤一易元泰等軍兩路會攻可期翦滅以粵省與皖較則大局之輕重懸殊以潯匪與大股逆賊較則事機之

緩急迴異臣於緩急輕重情形既有所見不敢
不據實縷陳伏候

聖裁奏入

上命議政王軍機大臣傳諭曾國藩毛鴻賓曰據毛
鴻賓奏廣西潯州股匪有劉坤一易元泰兩軍會
合勦辦不至任令旁竄而皖省軍情緊要曾國藩
等皆亟盼江忠義提軍前往著卽飭令江忠義馳

赴皖省並著會國藩妥爲調度何路緊急卽派往
何處以資得手

同日兵部會同刑部奏言 臣等恭奉

諭旨以近來各營武弁尙多狃於積習平日徒事嬉
遊臨敵輒行退縮甚有文員衝鋒失利而武弁
不肯救援遷延畏葸貽誤事機者

飭將各劣員應得處分罪名從嚴定擬 臣等謹會同

刑部按照

諭旨所指各條應得處分罪名查明律例公同酌覈
分晰臚陳恭候

欽定奏入

上諭內閣曰前經通諭各營痛除積習並令兵部將
臨敵退縮遇賊觀望等項劣員應得處分罪名從
嚴定擬茲據該部會同刑部查明律例遵議章程

請旨遵行用兵以紀律爲先近來各省軍務未竣
其間文武同心協力折衝禦侮者固不乏人而各
營員弁狃於積習退縮不前遷延貽誤者尤屬不
少若不嚴定章程無以振軍心而昭炯戒著照所
請嗣後盜賊侵犯城池蹂躪地方帶兵員弁如有
畏葸觀望不前貽誤事機者卽照律定以斬監候
如係兵餉充足之區先期逃散者著照奏定章程

請旨卽行正法如有盜賊入境及已奉調遣不能
星馳策應以致賊勢蔓延卽照律擬軍其有文員
當先陷陣而武弁擁兵坐視者卽照律斬監候請
旨卽行正法如有軍營武職日事恬嬉而不習軍
旅傲慢規避及擅離汛守者卽照例革職不准留
營如鄰境有賊帶兵員弁坐糜糧餉不妥籌堵禦
以致賊至潰散失守地方卽照例革職不准留營

仍從重發往軍臺新疆由該督撫及統兵大臣酌
覈情罪輕重定擬具奏其該管上司及原派上司
均照本例分別加等議處如聞鄰境警報將軍提
督以下各官不親身領兵馳往會剿託故遷延貽
誤事機者著照例加等革職不准留營至軍營帶
兵武職如有不能約束兵丁以致生事擾民殺傷
人命者除該兵丁照軍法從事外其帶兵員弁均

照本例加等降三級調用不准抵銷經此次明定
章程之後各路統兵大臣及各直省督撫務當轉
飭所屬員弁一律遵照實力奉行儻仍蹈從前惡
習卽按現定章程據實叅辦以肅軍律

二十三日 己亥 嚴樹森奏言前奉

諭旨催 臣 出省西征籌防川粵交界等處 臣 念蘇常
髮逆與川粵各匪同爲鄂邊之患防皖防秦二

者並重而緩急之勢則迥不相侔興安府城業
已收復踞逆竄擾漢陰石泉一帶距鄂省西北
邊界已四五百里而遙現據各路探報僉謂僞
忠賀等逆業由九洑洲陸續渡江意在假道皖
北竄擾鄂疆截斷江皖各軍糧路牽掣鄂省兵
力圖解金陵之圍是皖事之急十倍於秦也目
下鄂邊雖幸安堵而軍情變幻旦夕異宜設髮

逆乘隙上犯深慮兵力單薄收拾爲難臣部將
領穆正春王桐柏現各率所部駐紮黃州府屬
之上巴河該處四通八達爲黃郡扼要之區如
果賊犯鄂疆指日卽有戰事周鳳山一軍現駐
應山城外以防皖豫捻匪臣若出省駐紮秦楚
適中之地則必將穆正春王桐柏等軍隨帶前
往而黃德各屬門戶洞開萬一賊蹤乘虛闖入

大局何堪設想此外如楊朝林之駐麻城舒保
歐陽正塘之駐襄樊沈俊德之駐隨州均屬要
地實無一兵一將堪以抽撥隨征臣與督臣官
文詳審緩急鄂省西路邊防情形較鬆而東北
兩路正值萬分喫緊不能不先其所急必俟李
續宜抵皖後由舒桐一路進兵皖防稍穩始能
移師謀陝藉以自固藩籬屆時臣當一面奏

聞一而調派勁旅督率西行取道德安隨棗襄樊一
帶查閱邊防再行酌度情形相機勦辦奏入

上諭曰覽奏均悉著卽遵照前次諭旨嚴防斬黃一
帶暫緩前赴陝省

二十四日

庚子李續宜奏言臣欽奉

諭旨准賞假四十日假滿後迅速起程仰見

聖慈體恤無微不至伏念臣自上年九月奔喪到籍

適皖省軍情喫緊

廷旨敦促赴皖

聖度如天不責臣以稽延之罪復蒙

賞假四十日本月十三日續假之期亦滿本應迅速

起程顧念臣母新墳負土未乾臣父亦久病未

愈依戀私情固結莫解近接皖省來函軍情平

穩籲懇

恩施逾格寬展行期二十餘日曲遂孺慕私忱謹以
三月初十日自籍起程江行順利計一月內外
可抵皖省軍營惟墨經從戎垂諸古訓又復重
以

朝命臣亦何敢固辭但以勞勞在疚之身統屬百僚
不特臣心未安亦且有干清議況臣沈痼初起
卽專力軍營殫精竭慮猶恐不支若以地方軍

務萃於一身必至精神委頓兩無裨益伏乞

聖恩開臣安徽巡撫之缺既恤臣苦衷亦可維持風教臣無任激切惶悚待

命之至奏入

上命議政王軍機大臣傳諭李續宜曰李續宜假期已滿因父病未愈請寬限二十日於三月初十日
起程著卽迅速起程赴皖該省髮捻交乘軍情緊

急該署撫必須早赴新任毋稍延緩至軍務與地方應辦事宜必須聯爲一氣始能收臂指之效李續宜請開皖撫之缺專辦軍務誠恐事權分屬或致呼應不靈於軍務地方轉無裨益李續宜惟當身任其難力圖報稱以副委任